



Broj: 02-11-1835-2/24

Datum: 24.10.2024 godine

Na osnovu člana 72. stav (3) tačka d), a u vezi sa članom 70. stav (4) Zakona o javnim nabavkama („Službeni glasnik BiH“, broj: 39/14, 59/22 i 50/24) u postupku javne nabavke roba: "Nabavka specijalizovanog vozila sa platformom i vatrogasnim ljestvama", općinski Načelnik donosi:

### ODLUKU

o poništenju postupka javne nabavke

#### Član 1.

Poništava se postupak javne nabavke roba: "Nabavka specijalizovanog vozila sa platformom i vatrogasnim ljestvama, iz razloga što je izabrani ponuđač „Fire-trade“ d.o.o. Srebrenik nakon zaključenja ugovora propustio dostaviti garanciju za uredno izvršenje ugovora u skladu sa uslovima iz tenderske dokumentacije i u roku koji mu je odredio ugovorni organ, a nema drugih nižerangiranih ponuđača kojima bi se moglo ponuditi zaključivanje ugovora.

#### Član 2.

Za izvršenje ove Odluke zadužuje se Služba za budžet, finansije i poduzetništvo i Služba za civilnu zaštitu i komunalne poslove.

#### Član 3.

Ova Odluka objavit će se na web-stranici <http://www.kladanj.ba/>.

#### Član 4.

Ova Odluka stupa na snagu danom donošenja.

### Obrazloženje

Postupak javne nabavke okončan je Odlukom o izboru najpovoljnijeg ponuđača, broj: 02-11-1835/24 od 16.09.2024. godine, kojom se ugovor dodjeljuje ponuđaču „Fire-trade“ d.o.o. Srebrenik, kao jedinom ponuđaču u okviru Otvorenog postupka javne nabavke. Nakon protoka roka utvrđenog Odlukom o izboru najpovoljnijeg ponuđača, ugovor je dostavljen na potpis predmetnom izabranom ponuđaču, koji je i potpisan dana 30.09.2024. godine. Članom 6. ugovora predviđeno je da Ugovorni organ traži/zahtijeva garanciju za uredno izvršenje ugovora, a da je iznos garancije za uredno izvršenje ugovora 10% od vrijednosti ugovora bez PDV-a. Garancije za uredno izvršenje ugovora dostavlja se u originalu u roku od deset dana od dana zaključivanja ugovora. U slučaju da izabrani ponuđač ne dostavi garanciju za uredno izvršenje ugovora, zaključeni ugovor se smatra apsolutno ništavnim. U tom slučaju ugovorni organ će ponuditi zaključivanje ugovora drugo-rangiranom.

Obzirom da je ugovor potpisan dana 30.09.2024. godine, izabrani ponuđač je bio dužan dostaviti ugovornom organu garanciju za uredno izvršenje ugovora najkasnije do 10.11.2024. godine, te kako je propustio dostaviti garanciju za uredno izvršenje ugovora u skladu sa uslovima iz tenderske dokumentacije i u roku koji mu je odredio ugovorni organ, a nema drugih nižerangiranih ponuđača kojima bi se moglo ponuditi zaključivanje ugovora, stekli su se zakonski uslovi za poništenje postupka javne nabavke.

Iz navedenih razloga, primjenom člana 72. stav (3) tačka d), a u vezi sa članom 70. stav (4) Zakona o javnim nabavkama („Službeni glasnik BiH“, broj: 39/14, 59/22 i 50/24), odlučeno je kao u članu 1. ove Odluke.

Dostaviti:

- Ponuđačima, 1x,
- U spis predmeta, 1x
- Služba za budžet, finansije i poduzetništvo, 1x
- Služba za CZ i komunalne poslove, 1x
- Za objavu na [www.kladanj.ba](http://www.kladanj.ba/). 1x
- a/a. 1x



OPĆINSKI NAČELNIK  
Jusuf Čavkurović, dipl.ing.